

ԱՐՁԱՆԱԳՐՈՒԹԻՒՆ

ԱԶԳԱՅԻՆ-ԵԿԵՂԵՑԱԿԱՆ ԺՈՂՈՎԻ ԵՐԿՐՈՐԴ ՆԻՍՏԻ

Ազգային-եկեղեցական ժողովի երկրորդ նիստը կայացաւ Սեպտեմբերի 30ին, նախ Հոգեւոր ձեմարանի դահլիճում եւ ապա Ս. Էջմիածնի Մայր Տաճարում, այդ օրը մատուցուած սուրբ պատարագից եւ Ամենայն Հայոց հանգուցեալ Հայրապետ Տ. Տ. Գէորգ Զ. երջանկայիշատակ կաթողիկոսի համար կատարուած հոգեհանգստից յետոյ, ցերեկուայ ժամը 3ին:

Ներկայ են բոլոր հոգեւորական եւ աշխարհական պատգամաւորները: Նիստն աղօթքով բաց է անում Դերաշնորհ Տ. Վահան արքեպիսկոպոսը եւ յայտարարում, որ համաձայն Հայաստանեայց Առաքելական Եկեղեցու կանոնադրութեան, Հայաստանեայց Եկեղեցու բոլոր եպիսկոպոսները իրաւունք ունեն քուէարկուելու որպէս կաթողիկոսական թեկնածուներ:

Այս հարցի շուրջը բացուում է մտքերի փոխանակութիւն: Տ. Վահան արքեպիսկոպոսն յայտնում է, որ Երուսաղէմի Պատրիարքական Տեղապահ Ամենապատիւ Տ. Եղիշէ արքեպիսկոպոս Տէրտէրեանը յատուկ նամակով հրաժարուում է որպէս կաթողիկոսական թեկնածու քուէարկուելուց: Պատգամաւորների խնդրանքով Տ. Շնորհք ծայրագոյն վարդապետը կարդում է Տ. Եղիշէ Արքեպ. Տէրտէրեանի զրաւոր հրաժարականը, որ ժողովն ընդունում է ի գիտութիւն:

Ընտրութեան կարգի շուրջ եղած մտքերի փոխանակութիւնները շարունակուում են: Ելոյթ են ունենում եւ հոգեւորական, եւ աշխարհական պատգամաւորներից շատերը, որոնք թեր եւ դէմ կարծիքներ են յայտնում կաթողիկոսական ընտրութեան կարգի մասին: Քննարկութեան նիւթ ծառայող զլխաւոր հարցն այն էր, թէ Կաթողիկոսն ընտրուելու է լոկ ներկայ եպիսկոպոսներից, թէ՞ բացակայ եպիսկոպոսներն եւս պէտք է նկատել որպէս թեկնածու:

Ի վերջոյ ժողովը որոշում է նոյնութեամբ պահպանել Հայաստանեայց Առաքելական Եկեղեցու հնաւանդ սովորութիւնը եւ ընտրութիւնը կատարել Հայաստանեայց Եկեղեցու բոլոր եպիսկոպոսների ցանկի վրայից:

Հարց է առաջանում այն պատգամաւորների մասին որոնք միաժամանակ լիազօրուած են մէկ կամ երկու, նոյնիսկ աւելի թեմերից: Օրուայ նախագահ Տ. Մամբրէ արքեպիսկոպոս Դաւիթեանը մանրամասն բացատրում է եւ հիմնաւորում այն փաստը, որի համաձայն իւրաքանչիւր պատգամաւոր իրաւունք ունի ներկայացնելու մէկ թեմ եւ ունենալ միայն մէկ ծայն:

Այս բոլորից յետոյ օրուայ առեւտակետը յայտարարում է նիստը փակուած եւ վիճաբանութիւններն աւարտած:

* * *

Ժողովը ձեմարանի մեծ դահլիճում դադարեցում է ժամը 4ին եւ 15 վայրկեանի ընդմիջում շնորհում: Ընդմիջումից յետոյ պատգամաւորները, թափօր կազմած, ուղեւորում են Մայր Տաճար՝ կաթողիկոսական ընտրութիւն կատարելու: Մայր Տաճարի մուտքի մօտ ստուգւում են պատգամաւորների մանդատները, որից յետոյ նրանք ներս են մտնում: Մայր Տաճարի դռները փակւում են եւ կողմնակի ոչ մի մարդ, բացի պաշտօնական պատկերահաններից, չի մնում Տաճարում: Հայաստանեայց Առաքելական Եկեղեցու Կանոնադրութեան համաձայն, կարդացւում են Հայաստանեայց Եկեղեցու բոլոր 21 եպիսկոպոսների անունները, որոնք իրաւունք ունեն քուէարկուելու իրեն

Ամենայն Հայոց Կաթողիկոսութեան թեկնածուներ: Տ. Մամբրէ արքեպիսկոպոս Սիրունեանը կարդում է պատգամաւորների երգումը, որը պատգամաւորները կրկնում են յոտնկայս եւ խմբովին:

Ընտրւում է երեք հոգուց բաղկացած հաշուիչ մարմին հետեւեալ կազմով՝ նկարիչ-ակադեմիկոս Մ. Սարեան, պ. Հրանդ Նասիպեան եւ պ. Տիգրան Պոյաճեան: Պատգամաւորները ստանում են սահմարդ ձեւի բուէաքարտեր՝ իրենց ցանկացած թեկնածուին ծայն տալու համար:

Տ. Վահան արքեպիսկոպոսը, պարզաբանութեան կարգով, յայտնում է, որ իւրաքանչիւր պատգամաւոր իրաւունք ունի միայն մէկ եպիսկոպոսի ծայն տալու:

Բուէատուփերի մօտ են Տ. Մամբրէ արքեպիսկոպոս Սիրունեանը եւ Տ. Դերենիկ եպիսկոպոս Փոլատեանը: Բարտուղարութեան անդամներ Տ. Շնորհք ծայրագոյն վարդապետը եւ պ. Հ. Առաքելեանը կարդում են պատգամաւորների ցուցակները: Ամենայն Հայոց Կաթողիկոս ընտրելու մեծ ու սրբազան արարողութիւնն սկսւում է եւ պատգամաւորները, մէկիկ-մէկիկ, մօտենում են բուէատուփերին եւ նրանց մէջ գցում իրենց ծայնը պարունակող բուէաքարտերը: Բուէարկութեան մասնակցում են 136 պատգամաւորներ:

Բուէարկութիւնն աւարտւում է ժամը 5.30ին: Գործի է անցնում հաշուիչ լանձնաժողովը: Բուէատուփերը բացւում են եւ նրանցում եղած բուէաքարտերը ստուգւում ու բարձրածայն կարդացւում են:

Ընտրութեան թուերը ցոյց են տալիս, որ

Տ. Վազգէն եպիսկոպոս Պալճեանն ստացել է 125 ծայն:

Կոստանդնուպոլսի Պատրիարք Տ. Գարեգին արքեպիսկոպոսն ստացել է 6 ծայն:

Տ. Վահան արքեպիսկոպոս Կոստանեանն ստացել է 2 ծայն:

Տ. Մամբրէ արքեպիսկոպոս Գալֆայեանն ստացել է 1 ծայն:

Տ. Մամբրէ արքեպիսկոպոս Սիրունեանն ստացել է 1 ծայն:

Տ. Տիրան արքեպիսկոպոս Ներսոյեանն ստացել է 1 ծայն:

Բուէատուփ է գցուած ճերմակ բուէաքարտ 1 ծայն:

Ընտրութիւնից յետոյ օրուայ նախագահ Տ. Մամբրէ արքեպիսկոպոս Գալֆայեանը ամբողջ ժողովի կողմից շնորհաւորեց նորընտիր Կաթողիկոսին եւ բարեմաղթութիւններ արեց երկար եւ արդիւնաւոր պաշտօնավարութեան համար: Եպիսկոպոսները ողջագուրեցին նորընտիր Հայրապետին եւ հոգեւորական դասը երգեց «Էջ Միածինն ի Հօրէ» շարականը: Այս միջոցին Մայր Տաճարի կոչնակները ի լուր բոլորի աւետեցին նոր Հայրապետի ընտրութիւնը:

Վերջում ինքը, նորընտիր Հայրապետը ջերմ յուզմունքով արտասանեց իր շնորհակալական խօսքը, այն վստահութեան համար, որ ցոյց տուեցին պատգամաւորները իր անձի նկատմամբ եւ հայցեց Աստուծուց օգնական եւ մարտակից լինել իրեն վասն շինութեան եւ հաստատութեան եկեղեցւոյ եւ վասն բարօրութեան եւ խաղաղութեան Մայր Հայրենիքի: Ապա նորընտիր Վահագն Հայրապետը «Պահպանիչ»ով տուեց իր առաջին օրհնութիւնը եւ զրանով փակուեց Ազգային-Եկեղեցական ժողովի նիստը: Պատգամաւորները, թափօր կազմած, դիմեցին դէպի Վահարանը եւ այնտեղ համբուրելով նորընտիր Հայրապետի Աջը, արտայայտեցին իրենց բարեմաղթութիւնները եւ բաժանուեցին իրենց վեհ պարտականութիւնը կատարած լինելու գիտակցութեամբ:

Ազգային-Եկեղեցական ժողովի ԲԱՐՏՈՂԱՐՈՒՐԻՈՆ՝

1. Շնորհք Ծայրագոյն Վարդապետ Գալուսեան
2. Հայկ Առաքելեան
3. Սմբատ Դովլաճեան